

INUIT ATAQATIGIIT

INATSISARTUNI



UKA2022/Imm. 83

Egaluk Høegh

Novemberip 17-at 2022

Uunga siunnersuut:

Innuttaasut tarnimikkut napparsimasut innuttaasut akornanni
inooqataaqqilertarnerannut annertusaanissaq anguniarlugu tarnikkut
nappaatilinnut immikkoortortaqarfik aammalu pinerluttunik
isumaginnittoqarfimmi sulisut ilinniakkamik qaffassaqqiffigisinnaasaannik
immikkut suliaqarnissaq siunertaralugu Naalakkersuisut sukkanerpaamik
Rigsmyndighed-mut attaveqarnissaat pillugu Inatsisartut
aalajangiiffigisassaattut siunnersuut.

(Inatsisartunut Ilaasortaq Anna Wangenheim, Demokraatit)

Aallarniut

Siullermik siunnersuut pillugu oqaaseqannginnitsinni – siunnersuutip qulequtaa
pillugu kalaallisut danskisullu imminut ataqtigiinngitsumik tamarmik
immikkut siunnersuutit tunngavilersugaallutik allanneqarsimammata – Inuit
Ataqatigiinniit assigiinngitsunik tunngavilersuuteqartoqarnera pillugu
paatsuungalersimavugut.

Uani toqqaannartumik pisarput tassaavoq oqaaseq “sukkanerpaamik”.
Qallunaatuuani kisiat allaqqagami sukkanerpaamik ilinniakkanik
qaffassaanissamik siunertaq aallartisarneqassasoq. Kalaallisuuanili taama
allassimasoqarani.

Kalaallisoortaa soorunami aallaavigalugu akissuteqaaterput Inuit Ataqatigiinniit
allapparput.

INUIT ATAQATIGIIT

INATSISARTUNI



Oqaaseqaat

Inuit Ataqatigiit sinnerlugit Anna Wangenheimip Demokraatineersup siunersuutaanut qujavunga.

Pinerluttulerinermi inatsiserput tunngavimmigut nunarsuarmioqatigiinni immikkuullarissutut taaniarneqartarpoq. Nunatsinnimi pillaaneq ajorpugut – akerlianilli pineqaatissiisarluta. Inoqaterput pineqaatissinneqarsimasoq inuaqatigiinnut akuulerseqqinnejarnissa – matumanilu siunissami pinerluuteqaqqinnginnissaa pingaarnertut siunertaralugu nunatsinni ilaatigut pineqaatisseeriaaseqartarpugut.

Tamannali tamakkiisumik naammassisangikkippu – pinerluuteqartarnerullu nunatsinni suli qaffasippallaarujuussuarneranut ilaatigut taassumunnga takussutissaasoq Inuit Ataqatigiinniit isumaqarpugut. Taamattumik siunnersuuteqartup siunertaa paasilluarsinnaallutigulu isumaqatigaarput.

Nunatsinni inoqativut pineqaatissinneqarsimasut – siunissami pinerliuteqaqqigatik inuaqatigiinnut akuulerseqqinnejarnissaat qulakkeerniassagutsigu – taava pinerluttunik isumaginnitoqarfimmi sulisut – peqqinnissaqarfimmi sulisut – politiit - kommuneqarfiillu pingaaruteqarluinnartumik suliniummi matumanli oqallisigisatsinni inisisimapput.

Taakkulu sapinngisamik pitsaanerpaamillu sulinermikkut sakkussaqaarlutik inisisimanissaat – ilinniakkatigullu qaffassarnissaminnik periarfissagissaarnissaat – Inuit Ataqatigiinniit qulakkeeqataaffigiumavarput.

INUIT ATAQATIGIIT

INATSISARTUNI



Ukiuni kingullerni inatsisit atuutsinnejnarneranut tunngasutigut suliniutit arlallit ingerlannejqarput. Kingumut innuttaasutut inooqataalersitseqqinneq pillugu aamma arlalinnik suliniuteqartoqarpoq.

Naatsumik oqaatigalugu pinerluttulerinermik suliallit – suliassaqarfiillu kalluarneqartut – sulisuisa – tarnikkut nappaatit pillugit – minnerunngitsumillu pineqaatissinneqarsimasut kingumut innuttaasutut inooqataasinnaalerqinnissaat angujumallugu – pitsaanerusumillu tamanna siunissami aqqutissiuukkumallugu suliniutit arlallit Naalakkersuisut ingerlakkaat anguniakkatullu pilersaarutigigaat ilisimaneqarput¹.

Taamaattumik naatsumik oqaatigalugu – siunnersuuteqartup siunnersuuteqarnermini anguniagaasa – amerlasuutigut aamma suliniuteqarfingineqalereersoq – taakkununnga sulianut ingerlasunut ilangunneqarnissaa periarfissarsiuteqqullugu – Naalakkersuisusut peqatigalugit ataatsimiitsitaliami susassaqartumi ujartorneqassasoq Inuit Ataqatigiinniit inassutigaarput.

Naalakkersuisut allannguutissatut siunnersuuteqartut Inuit Ataqatigiinniit aamma maluginiarparput. Misissusoqarnissaanut siunnersuuteqarnerannut tunngasoq – ataatsimiitsitaliami qulaajarluarneqaqqaalaarnissaa oqallisigineqaqqaalaarallassasorlu Inuit Ataqatigiinniit inassutigaarput. Sunarpiaq misissorneqaqqaassanersoq annertunerusumik tusarusukkatsigu – taassumunnga aalajangertigata.

Naak pinerluttulerineq pillugu allarpassuarnik – soorlu pinaveersaartitsineq siusissukkullu iliuuseqarnerit – matumani aamma pingaaruteqarluinnartumik

¹ Inatsisit Atuutsinnejnarnerannut suliassaqarfimmut Naalakkersuisut 2022-mut anguniagassatut takorluugaat pingaarnersiuinerallu (Naalakkersuisut)

INUIT ATAQATIGIIT

INATSISARTUNI



inisisimasut pillugit – annertunerusumik oqaaseqarsinnaagaluarluta –
siunnersuuteqartup siunnersuuteqarnermini siunertarpiaa tunngavigalugu
akissuteqaaterput naatsumik taama saqqummiullutigu – siunnersuut una
ataatsimiitsitaliamut susassaqartumut suliassanngortillugu
ingerlateqqinnejarnissaa Inuit Ataqatigiinniit inassutigaarput.